

Vukašjin Brajić; predstavnik BiH na Eurosongu u Oslu

14/01/2010 18:30 by Administrator

Vukašjin Brajić je predstavnik Bosne i Hercegovine na 55. takmičenju Eurosonga u Oslu, odlučila je Stručna komisija koju je sačinjavalo sedam muzičkih stručnjaka. Muziku i tekst za pjesmu "Munja i Grom" s kojom će naći u zemlju predstavljati Vukašjin Brajić, muzičar koji se proslavio učestvovanjem u regionalnom showu "Operacija trijumf", napisao je Dino Aran, a pjesma će

bosanskohercegovačkoj javnosti premijerno biti predstavljena 7. marta 2010. godine.

Stručnu komisiju koja je donijela odluku da BiH na 55. takmičenju najbolje pjesme Evrope koje se ove godine održava u Norveškoj predstavlja Vukašjin Brajić, sačinjavali su Dejan Kukrić, urednik Zabavno-muzičkog programa BHT1, Jasmin Ferović, urednik muzičkog programa BH Radija1, Adnan Mućanović, muzički producent MP BHRT, Mr. Zoran Nikolić, docent na Akademiji umjetnosti Banja Luka, muzičarka Amira Medunjanin, producent Ismet Arnautović, muzikolog Vesna Andree Zaimović i muzičar Vlado Podany.

Brajić je rođen 9. februara 1984. godine u Sanskom Mostu, a interes za muziku je pokazivao još u ranom djetinjstvu, mada zbog ratnih dejtava nije bio u mogućnosti da pohađa muzičku školu.

Zbog toga Vukašjin odlučuje da se samostalno muzički obrazuje i veoma brzo savladava sviranje klavijature i gitare. Popularnost mu je donijelo takmičenje "Operacija trijumf" koje je završio kao drugoplasirani u velikom finalu. Vukašjin Brajić se istakao po mnogo čemu tokom show-a i stekao naklonost mnogobrojne publike svih generacija iz svih zemalja bivše Jugoslavije. Ostao je zapamćen po svojim odličnim vokalnim i scenskim nastupima.

Dino Aran, koji je napisao muziku i tekst za pjesmu "Munja i Grom", rođen 4. januara 1969. godine u Sarajevu. Frontmen je bh. rock sastava "Letu štuke" sa kojim je stekao veliku popularnost u svim zemljama regije. Jedan je od najrespektabilnijih kompozitora u BiH i Hrvatskoj. Napisao je pjesme za dobro poznate muzičke zvijezde poput Vanne, "Crvene jabuke", Luke Nišetića, ali i za zvijezdu narodne muzike Halida Bešlića.

Spomenimo i to da je Bosnu i Hercegovinu prošle godine na ovom prestižnom takmičenju koje je održano u Moskvi predstavljala grupa Regina s pjesmom "Bistra voda" koja je zauzela 9. mjesto.

Pobjednik prošlogodišnje pjesme Evrovizije bio je Alexander Ribak iz Norveške s pjesmom "Fairytale".

Pjesmu mozete da pogledata i poslusate pod sljedećim linkom:

www.youtube.com/watch

Izvor vijesti: Sarajevo-x